

**EGAA YEROO KADHATTAN...****GUY YAA 7<sup>FFAA</sup>-JAALALLI KEE WAAQA IRRATTI AKKA TA'E, AKKASUMA LAFA IRRATTIS HAA TA'U.**

“yaada ani isiniif yaade anuma duwwaatu beeka; innis yaada nagaa fi yaada wanta isin gara fuula duraatti eeggattan isiniif raawwachuu ti malee, yaada isin balleessu miti.” Er. 29:11

**Inni Barsiisaa Dha.**

Nu hundumti keenya karoora qabna. karoorri keenyas karoora dheeraatiifi kan guyya guyyaati. Kadhannaa keessatti yeroo baay'ee karooraan Waaqayyoon barbaaddachuu dhiifnee karoora keenyaaf gargaarsaafi eebba waaqayyo barbaanna. Waaqayyo immoo akkas jedha, Yaada ani isiniif qabu anuma qofaatu beeka. Erm. 29:11, Eebbaafi waanta barbaachisaa ta'e isa biraa argachuuf karoora isaa duukaa bu'uu qabna. Kadhannaadhaan waanta hojichuu qabnu akka barsiisaatti yoo gaafannu, inni immoo akka hojetaa ta'e jechu dha. Yaadaa, Inni Waaqayyoo dha, Inni barsiisaa dha, Inni waanta nuti hojichuu qabnu nutti himuu qaba.

”Ganama hundumaa guyyaa sanaaf ofii keessan Waaqayyootti dabarsaatii kennaa. Karoora keessan mara isatti kennaa. dandeettisaatiin akka inni isiniif raawwatuuf isatti kennaa. Guyyaa gara guyyaatti lubbuu keessan harka Waaqayyootti kennadhaa”. Steps to Christ. p. 70.

Yaadadhu gaaleen kadhannaa Gooftaa inni “Waaqa irratti akka ta'e lafa irrattis hata'u” jedhu. Waaqa irratti ergamoonni Waaqa ni tajaajilu. Innis hojii hojetamuu qabu isaaniif ni laata. Isaan immoo ni hojetu. Deebii isaan deebisanis “Gooftaa asan jira.” Kan jedhuu dha. Itti aansuudhaan imoo adeemuu dha. ”Tokkoo isaanii keessa waanta inni hojichuu qabu isatti kan himan hinjiran”. ”Tokkoon isaanis anaan hojiitu natti baay'ate jedhanii dhiifama kan gaafatan hinjiran”. Waantan ittiin hojedhun dhabes hinjedhan. ”ykn ”Boodan hojedha kan jedhan hinjiran.” Ani yaada kee irra yaada fooyya'aan qaba kan jedhanis hinjiran. ”Yeroo Inni akka waan tokko hojetaniif ergamootatti himuu, Isaan immoo ni raawwatu. Sababiinsaas Inni waan barbaachisaa akka raawwatu beeku waan ta'eef.

Guyyaa tokko aniifi haati warraa koo Sa'atii 11f konkolaachisaa turre. Akkuma beekamu guyyaa sanaaf karoora Waaqayyoo nuuf qabu, Carraa ittin Isa tajaajilu dandeenyu akka inni nutti mulisuufis barbaadaa turre. Erga gara sa'a 5 fagaannee deemnee jenneeti, michuun pasterii gaarii ta'ee tokko bilbilee” naaf kadhadaa”, ”Lallabbii wangeelaaf akkan biyya Kuubaa deemuuf natti himameera garuu, konkolaataan koo immoo cabaadhaa, awutoobusiin immoo hindhufnee jedhe.” Ani beeka Inni kan jiraatu daandii nuti konkolaataa keenya offannee irra deemaa jirru irra akka ta'e. Anis bakki ati jiraattu eessa jedheen gaafadhe. Innis lakkofsa ba'uu/exit number/ naaf kenne. Akkuma inni natti himeen lakkobsicha argine. Nuti balbala kee irra jirra ittin jedhdeen dinqisiiffadhe. Attamitti kun ta'ee jedhee innis naaf deebise. Ati kan jiraattu ana irraa gara kaabaatti sa'atii 5 fagaattee jirtaa jedheen itti hime. lakkofsuma sana qabanne dhaqnee isa fuunee gara buufata xiyyaaraatti isa imalchisne. Innis xiyyaara isaa yaabbatee gara biyya kuubaatti sokke.

Ariitiin walitti fufiinsaanis hojiitti dhiphachuutti kaane. Sababiinsaas akka karoora keenyaatti hojichaa waan jirruufiidha. Fulduratti fakki guddaa jiru sana waan hinbeekneef. Waan fuula duraas hinbeeknu turre. Waaqayyo garuu beekaa, ni hojetaa, nu jaallatas.

Karoorri hedduunsaa fuuldurri isaa dinqii ta'ee fiixaan ba'inssa gaarii dhabuudhaan dadhabbii qofa ta'a. Mee karoorri Waaqayyoo siif haa ta'u... Waaqayyo yoo ijoollonni isaa Isaan geggeeffamuu hinbarbaadan ta'e isaan hingedgeessu.

Fedha Waaqayyoo raawwachuudhaaf Isa beekuun murteessaadha. Kanaafuu kadhannaadhaan Isa dhaggeeffachuu qabna. Waanta Inni nutti dubbatu waanta nuti dubbannu irra baay'ee barbaachisaadha. Nuti fedha Waaqaa beekuudhaaf shaakala dhuunffaa keenyaa qabaachuu qabna. Nuti dhuunfaadhaan isa Inni onnee keenyatti dubbatu dhaga'uu qabna. Yeroo sagalee baay'een walga'ee wacu, nuti sagalee Waaqayyo eeguu qana. Callisuun lubbuu sagalee Waaqayyoo addaan baasa. MH.P. 58.

Karaa kadhannaa nuti Waaqayyotti dubbanna. Karaa sagalee isaa isa nutti dubbatamuu immoo, isatu nutti dubbata. Kanaafuu kadhatiifi sagaleen Waaqayyoo yeroo mara wal maddii adeema. Macaafnni qulqulluun sagalee Waaqayyo akka nuti gurra keenyaan dahgeenyuuf karaa inni ittiin nutti dubbatuu dha. 6T pp, 393.

Nuti fedha keenya isatti himachuu dandeenya. Yaaddoo keenyas akka isa irratti gatnuuf nutti himameera. 1Phe. 5:7. Gargaarsaaf isa gaafachuu keenya keessa dogogorri tokko illee hinjiru. Waaqayyo mirga filannoo nuuf laatee jira. Filannoo keenyas inni ni simata. Akka isa gaafannuuf nu eega. Gargaarsa Isaa akka filanu barbaada. Achiin boodas waa'ee keenya giddu-seentummaa fudhata.

Kadhadhu,sagaleesaas qoradhu,irrattis yaadi.Fedhaafi karoora kees dhiyeessi,Waaqayyoo immoo akka Inni sigegeessuuf,siqajeelchufs gaafadhu.Karoora Waaqayyos filannoo kee jalqabaa godhadhu.Duraan dursaatii Waaqayyoon barbaadadhaa,Akkuma waadaa galee turetti Inni immoo waan barbaachisaa isiniif ni kennaa.Mat.6,33.Ofii keetii Isa tajaajiluudhaaf, fedhasaas raawwachuudhaaf of qopheessi.”Ani asan jira Gooftaa jedhi.Har’a anatti gargaarami ,fedhiinkees har’a jireenya koo keessatti haaraawwatamu jedhi.”

Mee waliin haakadhannu

### **Yeroo kadhannaa (Daqiiqaa 30–45)**

*Gareen kadhataa hundumtuu haala garagaraa itti waliin kadhahan qabu.Daqiiqaa 30-45 itti aanee jiru kana keessatti akkaataa hafuuri qulqulluun isin qajeelcheen kadhata tokkummaadhaan akka isin qabaattaniif isin jajjabeessina.Kadhannaan haasawaa gabaabaa (hima 1-3)qabu ni jajjabeeffama.Kun akka namootni heedduun yeroo heedduu kadhataaniif gargaara.Armaan gaditti fakkenyotni muraasi karaa mata duree caaffata qulqulla’aa, kadhannaan muraasi dhiyaataniiru.Akkasumas karaa heertuu kan biros kadhachuu ni dandeessuu,kadhata keessan keessattis mata dureewwan kan biroos hammachiisuu ni dandeessu.Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.*

### **Sagalee Waaqayyootiin kadhachuu.**

**Erm.29;11**”Yaada Ani isiniif yaade anuma qofaatu beeka...Yaada waanta isin gara fuaduraatti eeggattan isiniif yaaduu ti.”

### **“Yaadan isiniif qabu anuma duwwaatu beeka.”**

*Gooftaa,nuti gama keenyaan baayy’ee dhamaane.Sasata keenyaaf nuuf dhiisi,of jaallachuufi ofii keenya giddugaleessa godhachuu keenya nuuf dhiisi.Qoodasaas Yaa Waaqayyo karoora kee nutti himi.Ija keenya gara warra naannoo keenyaa gargaarsa barbaadaniitti deebisi.Harkaafi miilla keenyas fedhii tajaajilaa irra oolchi.*

### **“Karoora Abdiifi Egeree Siif Kennu.”**

*Waaqayyo,karoorri keenya lafaa kun ni kufa,waa’ees kan hinbaafne ta’a,karoorri kee garuu,hamma barabaraatti karoora dheeraadhas.kufaatiin keenya dhaabbataa waan hinta’iniif Yaa Gooftaa galatoomi ,har’a abdiin mootummaa keetii akka nutti ifuuf amantiis nuuf kennii,nu keessas jiraadhu.*

### **Yaadawwan Kadhannaa Dabalataa.**

**Galateeffannaa fi jajatnaa;** Eebba isaa isa addaatiif galateeffachuu akkasumas gaarummaa isaafis waaqayyon jajachuu.  
**Waadaatti galuu;** dhuunfaatti waadaa galuudhaaf daqiiqawwan muraasa fudhadhu.dhiifama inni siif godhuufis galateeffadhu.

**Qajeelfama ;** Waqayyon gaafadhu, rakkoo walxaxaa keessatti ogummaa akka siif laatuuf.

**Waldaa keenya ;** Waldaa naannoo fi addunyaa irra jirtuuf akkasumas warra gargaarsaa barbaadaniifis kadhadhu.

**Gaaffii kadhata naannoof ;** Miseensota amma gargaarsa barbaadaniif,maatiif,akkasumas ollootaaf kadhadhaa.

**Dhaggeeffadhuu deebisi ;** sagalee Waaqayyoo dhaggeeffachuudhaaf yeroo fudhadhu,jajannaa fi faarfannaa dhaan immoo deebii laadhu.

### **Yaada Faarffanna Dabalataa.**

*Faarsaa waldaa Adiventistii guyyaa torbaffaa;hundumaa siif nan kenna,/309/;Jireenya koo fudhadhu../330/,Yesuusiin naaf kenni,/305/./547/*

Faarsaa kan biros,onnee qulla’aa naaf kenni,Hojetaa kee na godhadhu.